



Akitsinguaq Olsen (S)  
/MAANI

## Ernianut aningaasartuutit akileraarutitigut ilanngaatigineqartarnerat pillugu § 37 naapertorlugu apeqqut

Asasara Akitsinguaq Olsen

Qujanaq apeqqutinnut matumuuna akineqartunut. Apeqqutitut akissutigineqartuni akileraarusiissut agguaqatigiissitsinikkut Kalaallit Nunaannut nalinginnaasumik 43%-iusoq aallaavigineqarpoq.

1. Inuit suliffeqarfiillu 2010-mi ernianut aningaasartuutit akileraarutitigut akiliutissaraluanit ilanngaateqartinnerisigut Kalaallit Nunaata akileraarutitigut isertitassaagaluit qanoq amerlatigisut annaavai?

**Akissut:** Inuit eqqarsaatigalugit erniatigut ilanngaatigineqartut 2010-mi 100 mio. kr.-it sinnilaarpat. Kisitsimmi ilaangillat selskabit "erniatigut ilanngaataat", paasissutissaatigineqartummi taakku naatsorsornissaannut naammangimmata.

2. Akileraarutitigut isertitassaagaluit annaaneqartunit qanoq amerlatigisut ineqarnermut taarsigassarsinermut atatillugu ernianut aningaasartuutit akileraarutitigut akiliutissaraluanut ilanngaataasimappat?

**Akissut:** Ernianut aningaasartuutit 2010-mi akileraarutitigut ilanngaatigineqartut qulaani taaneqartut 100 mio. kr.-it sinneqalaartut ilaasa ineqarnermut taarsigassarsisitsisarfitsigoortumik aningaasalersuinermit ernianut aningaasartuutitaat 47 mio. kr.-it missinginut missiliunneqarput.

3. Akileraarutitigut isertitassaagaluit annaaneqartut qanoq amerlatigisut pisiniutissanut taarsigassarsinermut atatillugu ernianut aningaasartuutit akileraarutitigut akiliutissaraluanut ilanngaataasimappat?

**Akissut:** Aningaaserivinnut erniatigut aningaasartuutit akileraarutitigut ilanngaatigineqartut nalingat pisiniutissanut taarsigassarsianut uuttuutit atoraanni erniatigut ilanngaatit nalingat 53 mio. kr.-it missaanniippoq. Oqaatigineqassaaq kisitsisip taassuma annertunersaa piginneqatigiilluni illulianut taarsigassarsianut aamma tunngassuteqarpat, tamakkumi aningaaserivinnit taarsigassarsiat nalinginnaasut atorlugit aningaasalersugaasarmata.

4. Naalakkersuisut pigissaarutitigut pisiniutissatullunniit attartukkat erniaannik akileraarutitigut akiliutissanit ilanngaassisinnaanermut periarfissap atorunnaarsinnaasut pilersaaruteqarpat?

**Akissut:** Akileraartarneraq Atugarissaarnerlu pillugit Isumalioqatigiissitap isumaliutissisummini inassuteqaatai Naalakkersuisut tunngaviatigut aallaaviginiarpat. Tassa imaappoq akileraartarneraq nutarteriffigineqassagaluarpas equngasumik pinninnissaq pin-

14. nov 2011  
Sagsnr. 2011-049314  
Dok. Nr. 761649

Postboks 1037  
3900 Nuuk  
Tlf. (+299) 34 50 00  
Fax (+299) 32 46 14  
E-mail: oed@nanoq.gl  
www.nanoq.gl

ngitsoorniarlugu ernianut aningaasartuutit suugaluilluunniit tamarmik kalluarneqassallu-  
tik. Aamma allaffissorneq eqqarsaatigissagaanni taarsigassarsiat pigissaarutinuinnaq  
imaluunniit pisiniutissaannarnut atorneqartarneri immikkoortissallugit ajornakusoortuus-  
saaq.

Kisianni ernianut aningaasartuutinik ilanngaateqarsinnaanermik atorunnaarsitsinissaq/-  
atorunnaarsitsiartuaarnissaq akileraartarnerup ataatsimut nutarteriffigineqarnissaani al-  
lanut ilanngullugu piumaarpoq.

Med venlig hilsen

Maliina Abelsen